

Բազիլեան միսիօնարները Շուշիում Հաստատուելուց լետոյ 1828 թուից սկսած՝ ինչպէս տուալ լիշեցի՝ ժամանակ առ ժամանակ առաքելութեամբ շրջում էին Կովկասու զաւառներն, ի թիւս որոց և Շամախի քաղաքը: Նոցա մուտքն այս քաղաքը (Շամախի) առաջին անգամն եղաւ 1828 թուին: Երկրորդ անգամը նոքա եկան 1832 թուականին: Գլխաւորն էր դարձեալ Ֆիլ—Ջարեբա, որին ընկերակցում էին Աւզուստ Գիտրիխ և Միրզաֆարուխ): Վերջինս (շուշեցի Հայ) տեղական լեզուներին և հանգամանքներին քաջ տեղեակ լինելով մեծ ծառայութիւն էր մատուցանում քարոզիչներին:

«Հենց առաջին օրերից այս քարոզիչները կարողացան զրաւել մի խումբ հայեր:

Այս մարդկանց մէջ այբի ընկնողներն էին տիրացու Առաքել Բէչարայեանց ուսուցիչ, Գէորգ Համբարձումեանց հրացանագործ, տիրացու Գալուստ Բուզաղեանց, Գիւրգետար (Հիւսն) Ոսկան, վիզը ծուռ Եսային Համետագործ (փալանդուղ), Ռուստամն քեօխա Գաբրիէլեանց, Կոշկակար Թարվէրգին, պարոն Հայրապետն Թառայեանց և սորա եղբայր Առաքելն և այլք ոմանք Շամախեցիք: . . .

ԳԼՈՒԽ Ե. 38. «Հեռացան գնացին Շամախուց Ջարեմբան և իւր գործակիցները . . . սակայն կասկածներ զարթեցան լիշեալ խմբի վրայ, մինչեւ այս անգամ Միքայէլ քահանայ Վարչամեանցը տեղեկութիւն տուեց Յովհաննէս Կարբեցի կաթուղիկոսին 1833 թուին, որը ուղարկեց Շամախի Ջաքարիա եպիսկոպոսին . . . որ վերահասու լինի Շամախու քարոզիչների գործողութեանց:

Այս եպիսկոպոսը մի օր գնալով տիրացու Առաքել Բէչարայեանց դպրոցը՝ աշակերտներին հարց ու փորձ է անում և ի թիւս այլոց առաջարկում է նոցա հետեւեալ հարցը. — «Ի՞նչ է նշանն Քրիստոսի»: Աշակերտները չեն կարողանում պատասխանել: Սըրբազանը զայրանում է և աշակերտների ու հետաքրքիր այցելուների ներկայութեամբ խրատում է ուսուցչին երկու ապտակով,

1)Որ է հայրն Արրահամ Ամիրխանեանցի: